

Mensahe 8

**Nagtubo aron Mahimong Templong
Balaan diha sa Ginoo**

Basahong Kasulatan: Efe. 2:5-6, 8, 18-22; 3:4-5;
1 Cor. 3:16-17; 6:17

- I. Ang pagkaluwas nato tungod sa grasya, pagkabanhaw nato pag-usa uban ni Cristo ug paglingkod nato pag-usa uban Niya sa kalangitan, ug pagkaanaa natoy agianan ngadto sa Amahan alang man sa pagtukod sa iglesia, nga Lawas Niya, pinaagi sa pagtubo nato aron mahimong templong balaan diha sa Ginoo—Efe. 2:5-6, 8, 18, 21-22:**
- A. Gibuhi ta pag-usa sa Dios sa dihang gibuhi Niya si Jesus nga gilansang sa krus; busa, gibuhi ta Niya pag-usa uban ni Cristo—v. 5.
 - B. Tungod sa grasya giluwat ta gikan sa alaot natong posisyon sa kamatayon ngadto sa hilabihan kanindot nga ginsakpan sa kinabuhi—v. 5.
 - C. Pinaagi sa Dios Anak, nga Tighuman, ang palagianan, ug diha sa Dios Espiritu, nga Tigpatuman, ang pag-aplikar, may agianan ta ngadto sa Dios Amahan, nga Tigsugod, ang bugtong-talagsaong tinubdan—v. 18:
 - 1. Sa posisyon, gipasig-uli na ta sa Dios; sa kasinatian, may agianan na ta ngadto sa Amahan—vv. 16, 18:
 - a. Ang mapasig-uli ngadto sa Dios kana mang maluwas; ang may agianan ngadto sa Amahan kana mang makapahimulos sa Dios.
 - b. Mokontak ngani ta sa Dios, moduol ta Niya pinaagi ni Cristo diha sa Espiritu ngadto sa Amahan; kini ang Tulo-usang Dios sa atong kasinatian ug aron atong mapahimuslan—v. 18.
 - 2. Nianhi ang Amahan kanato pinaagi sa Anak diha sa Espiritu, ug karon gidala tag balik sa Espiritu ngadto sa Amahan pinaagi sa Anak; pinaagi ning kahibulongang pagngadto-nganhi, mapahimuslan nato ang pagpaambit sa Tulo-usang Dios—2 Cor. 13:14; Efe. 3:16-17a.
 - 3. Ang pinaagi sa Anak pinaagi man sa Tulo-usang Dios, ang diha sa Espiritu diha man sa Tulo-usang Dios, ug ang ngadto sa Amahan ngadto man sa Tulo-usang Dios; ingon niini ang pagsinati nato sa Tulo-usang Dios ug ang paagi nga matukod ta—2:18, 21-22.
- II. Isip mga magtutuo ni Cristo ug mga bahin sa Lawas ni Cristo, “gitukod [ta] ibabaw sa patukoranan sa mga apostol ug mga propeta, nga niini si Cristo Jesus mismo maoy bato sa pamagang”—v. 20:**

Mensahe 8 (sumpay)

- A. Kay gipadayag man ngadto sa mga apostol ang misteryo ni Cristo, ang iglesia, giisip nga patukoranang gitukoran sa iglesia ang pina-dayag nga nadawat nila—3:4-5; 2:20:
 - 1. Nitakdo kini sa dakong bato sa Mateo 16:18, nga dili lang si Cristo mismo kondili ang pinadayag sab bahin ni Cristo, nga tukoran Niya sa Iyang iglesia.
 - 2. Tukoron gyod nato ang iglesia diha sa mga apostol ug mga propeta—Efe. 2:20.
- B. Gihisgotan si Cristo sa Efeso 2:20 ingon nga bato sa pamag-ang:
 - 1. Ingon nga bato sa pamag-ang gidugtong ni Cristo ang mga magtutuong Judio ug mga magtutuong Gentil aron mahimong balaang templo diha sa Ginoo—Sal. 118:22-26; Efe. 2:20-22.
 - 2. Si Cristo, nga bato sa pamag-ang, alang man sa pagtukod sa iglesia sa panahon sa Bag-ong Tugon—Mat. 16:18; Efe. 2:20-22; 1 Ped. 2:5:
 - a. Aron matukod ang iglesia nga templo sa Dios, sination gyod nato si Cristo nga bato sa pamag-ang—vv. 6-7.
 - b. Diha ni Cristo nga bato sa pamag-ang, nagtubo ang tibuok balay aron mahimong balaang templo diha sa Ginoo—Efe. 2:20-22.
 - 3. Sa pamatigayon sa Dios sa Bag-ong Tugon, sa pagluwas ni Cristo, nga bato sa pamag-ang, kanato (Buh. 4:10-12), gihimo una ta Niyang buhing mga bato alang sa pagtukod sa espirituhanong balay sa Dios (Mat. 16:18; Juan 1:42; 1 Ped. 2:4-7), ug unya, sa kahikayan sa pagtransporma Niya kanato (Rom. 12:2a; 2 Cor. 3:18), gitukod ta nga mapuluy-anan sa Dios (Efe. 2:19-22) aron matuman Niya ang walay kataposang pamatigayon sa Dios nga magpahimuot sa Dios (1:9; 3:9-11).

III. Diha ni Cristo, nga bato sa pamag-ang, “ang tibuok balay, nga gipahaom pag-usa, nagtubo nga templong balaan diha sa Ginoo”—2:21:

- A. Nagpasabot sa unibersohanong balay, sa iglesia sa tibuok uniberso, ang pamulong *tibuok balay*—v. 21.
- B. Nagpasabot ang pulong *gipahaom* og gihimong angayan alang sa kahintang ug sitwasyon sa pagtukod—v. 21:
 - 1. Ang gipahaom pag-usa kana mang gipahaom pag-usa ang tanang bahin sa Lawas aron mapormang usa ka estruktura—4:16.
 - 2. Sa pagtukod gipahom pag-usa ang tanang materyal; dili lang kini pagkamada kondili pagtukod—2:21.
- C. Kay buhi man ang balay, nagtubo kini kay organico man kini—1 Ped. 2:5:

1 UG 2 MGA HARI

Mensahe 8 (sumpay)

1. Nagtubo aron mahimong templong balaan, balaang puluy-anan sa Dios, kining balaya; nagpakita kini nga buhing balay ang balaang templo—Efe. 2:21.
 2. Morag bulag ang pagtubo ug pagtukod; sa pagkatinuod, ang pagtukod sa balay mao ang pagtubo sa Lawas—4:15-16.
 3. Ang pagtukod sa iglesia nga templo, ang balay sa Dios, pinaagi man sa pagtubo sa mga magtutuo diha sa kinabuhi—1 Cor. 3:6-7; Efe. 4:15-16; Col. 2:19; 1 Ped. 2:2.
 4. Nagtubo ang Lawas sa pagtubo sa Dios—Col. 2:19:
 - a. Nag-agad ang pagtubo sa Lawas sa pagtubo sa Dios, sa pagkadugang sa Dios, sa pagdako sa Dios, sa sulod nato—Efe. 4:16.
 - b. Gipatubo ta sa Dios sa subjectibong paghatag Niya sa Iyang Kaugalingon kanato—3:16-17a:
 - 1) Ang pagpatubo sa Dios kanato sa pagkatinuod nagpasabot nga gihatag Niya ang Iyang Kaugalingon kanato—1 Cor. 3:6-7.
 - 2) Labi nga madugang ang Dios kanato, labi sab tang gipatubo Niya—Efe. 4:15-16.
 5. Motubo ang iglesia pinaagi sa pagpaambit sa kinabuhi, sa diosnong pagpaambit sa Diosnong Trinidad—2 Cor. 13:14:
 - a. Gipaambit sa tulo-ka-pilong Dios—sa Dios Amahan, sa Anak, ug sa Espiritu—ang Iyang Kaugalingon kanato ingon nga kinabuhi ug atong sangkap sa kinabuhi—Efe. 3:16-17.
 - b. Basta ipaambit sa nahikay ug nahingpit nga Tulo-usang Dios ang Iyang Kaugalingon kanato ingon nga kinabuhi, matil-ogan ug motubo ta—4:15-16.
 - c. Diha sa kaiglesiahan magtagad gyod ta sa tinuod nga pagtubo pinaagi sa pagpaambit sa diosnong kinabuhi—1 Cor. 3:6-7; 2 Ped. 1:5-7.
- D. Nagkahimong balaan ang tibuok balay—Efe. 2:21:
1. Gibalaan ta sa Dios sa pagpaambit Niya sa Iyang Kaugalingon, nga Balaan, nganhi sa atong pagkatawo aron matuhopan ug masuropan ang tibuok natong pagkatawo sa balaang kinaiya Niya—1:4; 1 Tes. 5:23.
 2. Alang nato, nga mga pinili sa Dios, ang mabalaan kana mang makaambit sa diosnong kinaiya sa Dios ug matuhopan ang tibuok natong pagkatawo sa Dios mismo; magbalaan kini sa atong pagkatawo diha sa kinaiya ug karakter sa Dios, sama gyod sa Dios mismo—2 Ped. 1:4; Efe. 5:27; Col. 1:22.
- E. Nagtubo ang tibuok balay aron mahimong templo diha sa Ginoo—Efe. 2:21:

Mensahe 8 (sumpay)

1. Ang Griyegong pulong nga gihubad og “templo” sa versiculo 21 nagpasabot sa balaang puluy-anan, sa sulod nga bahin sa templo.
2. Ang iglesia mao ang templo sa Dios; kay ingon man niana, balaang puluy-anan kini sa balaang Dios, ang templong gipuy-an sa Espiritu sa Dios—1 Cor. 3:16-17:
 - a. *Ang templo sa Dios* sa versiculo 16 nagpasabot sa hiniusang mga magtutuo sa usa ka dapit, samtang *ang templo sa Dios* sa versiculo 17 nagpasabot sa tanang magtutuo sa uniberso.
 - b. Nadayag sa daghang dapit sa yuta ang bugtong-talagsaong espirituhanong templo sa Dios sa uniberso; ang tagsatagsa ka pagpadayag maoy templo sa Dios nianang dapita—Efe. 2:21-22.
3. Walay templo sa Bag-ong Jerusalem, kay ang Ginoong Dios nga Makagagahom-sa-tanan ug ang Cordero maoy templo niini—Bug. 21:22:
 - a. Ang balaang syudad sa Jerusalem sa kinatibuk-an mao unya ang Dapit Labing Balaan; busa, wala nay templo niini—v. 16.
 - b. Kining templo sa sulod mao ang Ginoong Dios nga Makagagahom-sa-tanan ug ang Cordero—v. 22.
4. Naa ni Cristo nga Ginoo ang tibuok pagtukod sa balay sa Dios, sa balaang puluy-anan Niya—Efe. 2:21.

IV. Nagpasabot sa lokal nga mga balaan sa Efeso, niingon si Pablo nga, “Diha Niya gitukod sab mo pag-usa aron mahimong puluy-anan sa Dios diha sa espiritu”—v. 22:

- A. Ang templo ug ang puluy-anan nagpasabot sa duha ka aspeto sa mao ra nga butang—vv. 21-22:
 1. Ang templo mao ang dapit nga niini mokontak sa Dios, mosimba sa Dios, ug makadungog sa oraculo sa Dios ang Iyang katawhan—v. 21.
 2. Dapit nga pahulayanan ang puluy-anan sa Dios; mopahulay ang Dios diha sa Iyang puluy-anan—v. 22.
 3. Dili duha ka managlahing dapit ang templo ug ang puluy-anan; duha ka aspeto, duha ka kagamitan, hinuon kini sa mao rang balay.
- B. Nagpakita ang pulong *sab* sa versiculo 22 nga unibersohanon ang balay sa versiculo 21 ug lokal ang balay sa versiculo 22:
 1. Sumala sa unod sa basahon, unibersohanon ang balaang templo sa versiculo 21, ug lokal ang puluy-anan sa Dios sa versiculo 22.
 2. Sa unibersohanong bahin, bugtong-talagsaong usa ang iglesia ug unibersohanong nagtubo; sa lokal nga bahin, usa ra sab ang iglesia sa usa ka dapit, ug gitukod pag-usa ang lokal nga mga balaan sa kaugalingon nilang dapit—vv. 21-22; 1 Cor. 1:2; 3:16-17.

1 UG 2 MGA HARI

Mensahe 8 (sumpay)

- C. Naa sa atong espiritu ang puluy-anan sa Dios—Efe. 2:22:
1. Niingon ang versiculo 21 nga naa sa Ginoo ang balaang templo, ug niingon ang versiculo 22 nga naa sa espiritu ang puluy-anan sa Dios.
 2. Nagpakita kini nga alang sa pagtukod sa puluy-anan sa Dios, nausa sa atong espiritu ang Ginoo, ug nausa sa Ginoo ang atong espiritu—1 Cor. 6:17.
 3. Diha sa atong espiritu nahitabo ang pagtukod sa puluy-anan sa Dios.